

Na osnovu člana 16. stav 4. Zakona o Vladi Zeničko-dobojskog kantona-Prečišćen tekst ("Službene novine Zeničko-dobojskog kantona", broj: 7/10 i 3/23), a u vezi člana 4. stav (2) Odluke o finansiranju rada kantonalnih udruženja branilaca i članova njihovih porodica ("Službene novine Zeničko-dobojskog kantona", broj: 1/25), člana 5. stav (2) Programa utroška sredstava Budžeta Zeničko-dobojskog kantona za 2025. godinu planiranih na razdjelu Ministarstva za boračka pitanja namijenjenih za potrebe branilaca i članova njihovih porodica, broj: 02-11-2354/25 od 07.02.2025. godine, te člana 4. i 20. Pravilnika o načinu, uslovima, kriterijima i postupku dodjele sredstava za redovno finansiranje rada i sufinansiranje zahtjeva i projekata kantonalnih udruženja i saveza branilaca i članova njihovih porodica Ministarstva za boračka pitanja, broj: 13/04-1-37-2506/25 od 12.02.2025. godine, na prijedlog Ministarstva za boračka pitanja, Vlada Zeničko-dobojskog kantona, na 99. sjednici, održanoj 03.10.2025. godine, d o n o s i

ZAKLJUČAK

I.

Odobravaju se sredstva Savezu ratnih vojnih invalida Zeničko-dobojskog kantona u iznosu od 13.000,00 KM (slovima: trinaest hiljada konvertibilnih maraka) u svrhu sufinansiranja realizacije Projekta pod nazivom „Obilježavanje dana ratnih vojnih invalida Zeničko-dobojskog kantona/druženje“ u Olovu.

II.

Sredstva iz tačke I. Zaključka isplatit će se iz Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24 i 12/25) sa razdjela 24- Ministarstva za boračka pitanja, budžetska organizacija 01, potrošačka jedinica 0001, ekonomski kod 614300-"Tekući transferi neprofitnim organizacijama", subanalitika OAD 204 "Sredstva za rad branilačkih udruženja".

Uplata sredstava bit će izvršena na račun Saveza ratnih vojnih invalida Zeničko-dobojskog kantona.

III.

Za realizaciju ovog zaključka zadužuje se Ministarstvo za boračka pitanja, Ministarstvo finansija i Savez ratnih vojnih invalida Zeničko-dobojskog kantona, svako u okviru svojih nadležnosti.

IV.

Savez ratnih vojnih invalida Zeničko-dobojskog kantona, obavezuje se da izvještaj sa dokazima o namjenskom utrošku sredstava dostavi Ministarstvu za boračka pitanja u roku od 15 dana, od dana okončanja aktivnosti na realizaciji projekta.

V.

Zaključak stupa na snagu danom donošenja.

Broj: 02-_____/25

Datum, 03.10.2025. godine

Zenica

PREMIJER

Nezir Pivić

DOSTAVLJENO:

1x Ministarstvo za boračka pitanja,

1x Ministarstvo finansija,

1x Savez ratnih vojnih invalida Zeničko-dobojskog kantona,
putem Ministarstva,

1x a/a.